



### **Terma & Syarat Program Pindahan Baki Bank Simpanan Nasional ("BSN")**

1. Pemegang Kad mana-mana Kad Kredit/-i BSN ("Pemegang Kad") boleh memohon untuk memindahkan baki belum jelas (termasuk jumlah pokok, faedah/fi terakru, caj kewangan dan caj lain) daripada akaun kad kredit utama yang dipegang di atas nama mereka dan yang dikeluarkan oleh mana-mana pengeluar kad kredit/caj di Malaysia ("Akaun Kad lain") kepada mana-mana akaun kad kredit utama BSN yang dipegang oleh Pemegang Kad ("Kad/Akaun") di mana BSN akan membayar Baki Belum Jelas atau mana-mana bahagian daripadanya dengan mendebitkan Akaun kad Pemegang Kad tertakluk kepada Terma dan Syarat yang terkandung di dalam ini.
2. Program Pindahan Baki BSN ("Program BT") oleh Bank Simpanan Nasional ("BSN") ditawarkan kepada Pemegang Kad Utama sahaja.
3. Program Pindahan Baki ("Program BT") ini terbuka hanya kepada Pemegang Kad Utama kad-kad kredit yang dikeluarkan oleh Institusi Kewangan Malaysia yang dibil dalam Ringgit Malaysia (RM). Tiada akaun tambahan akan dibuka secara berasingan kepada Pemegang Kad bagi tujuan Pemindahan Baki, ini bermakna jumlah had kredit/kemudahan sedia ada yang telah diluluskan akan dikongsi bersama dengan Pemindahan Baki dan juga semua kad tambahan yang dikeluarkan. Program BT ini bukan peningkatan had kredit/kemudahan dan ia hanya digunakan untuk pemindahan baki dari pengeluar kad yang lain.
4. Permohonan adalah tertakluk kepada minimum RM500 bagi setiap institusi Kewangan dan jumlah minimum Baki Belum Jelas yang akan dipindahkan dan caj kewangan/yuran pindahan baki adalah tertakluk kepada pelan yang dipilih oleh Pemegang Kad. Setelah tamat tempoh Program BT, kadar faedah/yuran pengurusan sebenar biasa seperti yang dinyatakan di bawah Perjanjian Pemegang Kad yang dikira atas dasar harian akan dikenakan sehingga tarikh pembayaran dibayar sepenuhnya.

5. Pelan Pindahan Baki yang ditawarkan:-

Pelan	Tempoh	Kadar/Yuran (Setahun)	Fi/Yuran Pendahuluan Sekali	Amaun Pindahan Minima (RM)	Langgan Perlindungan Kredit
BA	6 Bulan	NA	1.99%	RM 500	Pilihan
BB	12 Bulan	NA	3.99%	RM 500	
BC	24 Bulan	3.99%	NA	RM1,000	
BD	36 Bulan	3.99%	NA	RM2,000	
BE	48 Bulan	4.99%	NA	RM3,000	

- Kadar di atas adalah sah bagi permohonan baru bermula 1 Oktober 2022 sahaja. Bagi pelanggan sedia ada yang telah melanggan sebelum tarikh ini, kadar adalah sama seperti kadar yang diluluskan semasa permohonan.
- Pemegang Kad dibenarkan membuat Pindahan Baki maksimum sehingga 80% dari baki had kredit/kemudahan yang sedia ada. Akaun Pemegang Kad Kredit BSN mestilah mempunyai had kredit/kemudahan yang mencukupi untuk jumlah yang dipindahkan. Apabila jumlah pindahan baki telah diluluskan oleh BSN, jumlah sama dalam kemudahan kredit sedia ada Pemegang Kad akan diperuntukkan untuk tujuan ini dan tidak boleh digunakan oleh Pemegang Kad sehingga Baki Belum Jelas tersebut dilunaskan. BSN mempunyai hak mutlak setiap masa tanpa sebarang liabiliti untuk menggantung, menolak atau menamatkan Program BT ini dengan memberi notis sekurang-kurangnya dua puluh satu (21) hari sebelum penggantungan, penolakan atau penamatan.
- Jumlah ansuran bulanan dikira berdasarkan jumlah faedah/yuran yang dikenakan bersama jumlah pindahan. Untuk Pelan A dan Pelan B, pelanggan perlu membayar fi/yuran pendahuluan sekali sebanyak 1.99% dan 3.99% daripada amaun BT yang diluluskan.
- Kesemua permohonan tertakluk kepada kelulusan BSN dan bergantung kepada Terma dan Syarat yang terkandung disini. BSN mempunyai hak mutlak untuk melulus atau menolak sebarang permohonan dan menentukan jumlah Baki Belum Jelas yang dibenarkan untuk pindahan ("Jumlah Pindahan Baki yang Diluluskan").
- Pemberitahuan akan dihantar kepada Pemegang Kad mengenai keputusan permohonan Pindahan Baki. Sekiranya permohonan diluluskan, pembayaran baki pindahan kepada pihak Bank lain akan mengambil masa lebih kurang sepuluh (10) hari dari tarikh kelulusan.

11. Walau apa pun terma dan syarat yang terkandung di dalam ini dan sehingga pemberitahuan kelulusan yang dirujuk dalam Fasal 10 diterima, Pemegang Kad hendaklah tetap bertanggungjawab untuk membuat bayaran kepada Akaun Kad lain mengikut terma yang berkuatkuasa ke atasnya.
12. Dalam melaksanakan Program BT ini, BSN tidak bertanggungjawab terhadap Pemegang Kad bagi sebarang faedah/yuran atau sebarang caj kewangan / yuran pengurusan lain yang ditanggung oleh Pemegang Kad berhubung Akaun Kad lain yang disebabkan oleh kelewatan atau kegagalan BSN untuk membayar Baki Belum Jelas.
13. Semasa tempoh Program Pindahan Baki, Pemegang Kad perlu membayar jumlah ansuran bulanan secara penuh sebelum tarikh akhir pembayaran di mana jumlah ansuran bulanan akan dikreditkan dari akaun kad kredit Pemegang Kad. Sekiranya Pemegang Kad gagal membayar ansuran bulanan secara penuh, kadar faedah semasa/yuran pengurusan sebenar akan dikenakan ke atas baki ansuran yang tidak dibayar pada tarikh akhir pembayaran sehingga ansuran diselesaikan sepenuhnya. Jika Pemegang Kad gagal membayar ansuran penuh selama dua bulan berturut-turut, ansuran Pindahan Baki akan ditamatkan secara automatik.
14. Ahli Kad boleh membatalkan penyertaan dalam Program Pindahan Baki atau memilih untuk menyelesaikan Amaun Pindahan Baki pada bila-bila masa dengan memaklumkan kepada pihak BSN. Sekiranya Ahli Kad membuat pembatalan atau penamatan awal Pelan Pindahan Baki atau membatalkan kad, Ahli Kad perlu membayar jumlah prinsipal tertunggak Pindahan Baki bersama-sama dengan satu (1) bulan faedah / yuran.
15. Tiada Mata Ganjaran BSN akan diberikan kepada Pemegang Kad berdasarkan penyertaan Program BT ini.

#### **Terma dan Syarat lain**

16. BSN berhak untuk mengubah, menukar, meminda, membatalkan atau membuat tambahan kepada terma dan syarat di dalam ini dari masa ke masa dengan memberi notis kepada Pemegang Kad sekurang-kurangnya dua puluh (21) hari sebelum pindaan tersebut dibuat dan ia akan berkuatkuasa pada tarikh yang dipilih oleh BSN. Dengan ikhsan BSN, notis mengenai tambahan atau modifikasi atau penggubalan akan dimaklumkan melalui:-
  - i) paparan notis yang sama di premis Bank atau di pejabat cawangannya atau menghantar notis tersebut kepada Pemegang Kad; **ATAU**

- ii) dengan menghantar notis yang sama melalui khidmat pesanan ringkas atau mel elektronik kepada Pemegang Kad atau dengan mempamerkan notis yang sama di laman web BSN.

Sebarang pindaan dan perubahan tersebut adalah sah dan mengikat Pemegang Kad. Sebarang pertikaian yang timbul berikutan Terma dan Syarat, adalah penentuan dan keputusan muktamad pihak BSN.

- 17. Terma dan syarat ini hendaklah dikawal dan ditafsirkan selaras dengan undang-undang Malaysia.
- 18. Pemegang Kad telah membaca dan memahami terma dan syarat Program BT. Terma dan syarat ini adalah sebagai tambahan kepada Perjanjian Pemegang Kad yang mengawal selia peruntukan kemudahan kad kredit oleh BSN. Sekiranya berlaku ketidakseragaman antara terma dan syarat ini dan Perjanjian Pemegang Kad, terma dan syarat ini akan digunapakai selagi ia berkenaan dengan Program BT.
- 19. Ungkapan yang ditakrifkan di dalam ini, melainkan mempunyai maksud berbeza berdasarkan konteksnya, mempunyai maksud yang sama seperti yang dianggap dalam Perjanjian Pemegang Kad yang dirujuk dalam Fasal 18 di atas.

(Versi : 01102022)